



PO Box Private Bag, Apia, Samoa Ph: 685-34100 | Fax: 685-20293/24058 E-mail: centralbank@cbs.gov.ws Web: www.cbs.gov.ws

Pepa o Fa'amatalaga

Fa'asilasila e le Faletupe Tutotonu o Samoa ana Tupe Pepa fou Polemeta

Aso: Aso Lulu 13 Tesema, 2023

E fa'asilasila atu e le Faletupe Tutotonu i le asō suiga fou fa'aonaponei ua iai ana tupe pepa \$5, \$10, ma le \$20 Tala e ala i le fa'aliliuina mai le pepa tuai manifinifi i le pepa polemeta anagata – ma fa'amauina ai le taua o lea foi atinae i faiga tau tupe a le atunuu.

O tupe pepa polemeta nei o le a tuuina atu i le fa'ataamilosaga o tupe i ni vaega ua fuafuaina. O le a amatalia ona tuuina atu e le Faletupe Tutotonu le tupe pepa polemeta \$5 i le aso Gafua, 18 o Tesema 2023 ina ia tali atu i le maualuga o le moomia o lea tupe i taimi o aso fiafia o le Kerisimasi. O le tupe pepa polemeta \$10 ma le \$20 Tala ua fuafua e fa'amatuu atu i le kuata muamua o le 2024.

O le a fa'ataamilo faatasi lava tupe pepa \$5, \$10 ma le \$20 Tala o lo o iai nei i le taimi e fa'agasolo ai suiga ia tatou tupe pepa fou polemeta anagata.

I le faai'u manuia ai o le tuuina atu o le tupe pepa fa'amanatu polemeta \$10 i le 2019, na fa'alautele atu ai e le Faletupe Tutotonu lea faiga fa'atekonolosi i le tupe pepa \$5 ma le \$20 tala mo le ulua'i taimi. Sa fa'aalia i le tupe pepa \$10 le tulaga malosi, umi ona lelei ma fa'atumauiina le maualuga o lona anagata pe a faatusa atu i le pepa sa fausia ai muamua le \$10. Ua mamanuina tupe pepa polemeta ina ia umi lona aoga, mama ma lelei ma fa'atumauiina ai le tulaga anagata, e atagia ai le naunautaiga o le Faletupe Tutotonu o Samoa i le tulaga malosi ma matagofie o ana tupe pepa. O le maualalo o tatou tupe pepa e fua i le tulaga mātuiā o iai le fa'aleagaina o le tupe, ma e taua tele ai le toe fa'alautele atu o le tulaga malosi ma anagata o tatou tupe pepa.

Mamanu fou ma le Fausiaina

O le fesuiaiga a le Faletupe Tutotonu o ana tupe pepa i le pepa polemeta e moomia ai mamanu o lo o iai nei e tatau ona tu'ulata mai ina ia fa'aaoga ai le tulaga lelei ma le anagata o le pepa polemeta. O le kamupani a le De La Rue i Egelani ua filifilia e

faia le mamanu ma lolomi tupe pepa fou nei i le pepa e malupuipua ma faigata ona fa'aleagaina. O le filifilia o le pepa polemeta o le a fa'alautele ai le malosi ma le lelei o le tupe pepa faapea lo latou saogalemu, ma fa'ataoto ai foi se taiala fou i le fa'atinoga o lea auaunaga i le gaosia o tupe a le atunuu.

Si'itia o Foliga Vaaia Malupuipua

E taua ma maualuga le tulaga malupuipua po'o le saogalemu, ma o le pepa polemeta e le gata ina tumau le saogalemu, ae o lo o tāui ai ma foliga vaaia o le puipuga ma le ata manino o meatotino.

- E faigofie ona fa'alogoina le eseese o le anagata o le tupe pepa polemeta ma tupe pepa o iai nei;
- Vaai i le fa'amalama manino o lo o fa'ailoa ai le fugalaau o le Teuila i luga o nei tupe pepa taitasi ma e faigata tele ai ona faia ni tupe taufa'asese;
- Siaki i le moli lanu viole, e vaai ai le foliga o le GEMINI i ona lanu felanulanuai i lanu e 2 faapea ai ma le numera o le tupe ise foliga poloka lanu meamata e taua o le EMOEMO”
- Auala fa'apitoa e lolomi ai le pito i luga ma ia ata lelei mai i le pepa polemeta e aumaia le tulaga maoae i mamanu o tatou tupe pepa ma ia mautinoa e pipi'i le vaitusi i le pito i luga;

O nei foliga vaaia ua tu'ufaatasia e fa'alautele ai le puipuga o tupe pepa fou nei.

Mafai ona Iloa

O tupe pepa fou nei e aofia ai foliga vaaia tumati'e o le polemeta i tupe ta'itasi, o lo o tauaveina se mamanu fa'apitoa o patupatu togitogi e fesoasoani ai mo e po le va'ai. (O le \$5 e 6 ona togitogi, \$10 e 8 ona togitogi ma le \$20 e 10 ona togitogi)

Talosaga mo le Tausiga ma le Vaaiga

E tatalo atu le Faletupe Tutotonu o Samoa i tagatanuu uma o le tatou atunuu ina ia tausia lelei tupe pepa fou nei, e fa'amalosia ai le latou matafaioi o se fa'ailoga o le mitamitaga o le tatou atunuu ma le tatou faasinomaga. E umi ona lelei pe a teu lelei i totonu o le atotupe ae aua le gaugauina. E le tatau ona faaleagaina pe saesae ninii, gaugau, tuuina i le vevela, ma e le tatau foi ona faamau ini pine faamau pepa (staple). O nei gaioina e faigofie ai ona masae le tupe. O le aputiputi lelei ma le tausia lelei o le a mautinoa ai le umi ona lelei ma aoga nei tupe pepa fou.

Ona o lea e sauni atu le Faletupe Tutotonu e fa'alauiloa aloaia nei tupe pepa fou polemeta, e toe fa'ailoa atu ai le agaga naunautai o le Faletupe Tutotonu ina ia tu'uina atu tupe pepa sili ona lelei, anagata ma malupuipua, e le gata ia ausia ai tulaga aloaia fa'avaomalo ae o le a fai ma ata vaaia o le agaga Samoa moni faapea tu ma agatausili a Samoa.



Mo nisi fa'amatalaga, fa'amolemole fa'afesootai le Faletupe Totonu o Samoa, i le telefoni numera 34100 poo le imeli: centralbank@cbs.gov.ws